

जम्मू-कश्मीर विधान सभा च अज्ज 2026-27 बरे दिए गांट मंगें पर चर्चा जारी ऐ। राई-बाई मैहकमे दे मंत्री जावेद अहमद डार होरें सदन च चुनाएं- राई बाई- पशुपलन- मच्छी पालन ते ग्रामीण विकास सरबन्धी मंगां सदन च रक्खिआं- जिंदे पर बैहस जारी ऐ ते बक्ख-बक्ख विधायक इन्दे पर अपनी राय ते सुझाव देआ करदे न। गांट मंगें दी चर्चा दौरान सरकार आसेया औंदी माली बरे लेई बक्ख-बक्ख मैहकमे दे प्रस्तावित खर्चे पर तफसीली बैहस होंदी ऐ- जेहदे बाद किश च कटौती दा प्रस्ताव बी दिता जाई सकदा ऐ ते खीरें च मूंह जबानी वोटें राएं इनेंगी पास करने दी मंजूरी दिती जंदी ऐ।

<><><><><><>

Dy. CM Governance

उपमुख्यमंत्री सुरिंदर चौधरी होरें जम्मू-कश्मीर च लोक केन्द्रित शासन लेई सरकार दी वचनबद्धता गी पही पक्का कीता ऐ। सिविल सचिवालय च किशतवाड़- रजौरी- जम्मू- कठुआ- बारामूला- श्रीनगर ते गांदरबल दे प्रतिनिधिमंडले कन्नै बैठक दौरान उ'नें विकास परियोजनाएं गी समें-सिर सबूरा करने ते सिडकें- पुलें- खनन ते श्रम कन्नै जुड़े दे मुददें सनें लोकें दियें शकैतें दा तौले नबेड़ा करने दा भरोसा दोआया।

एहदे शा पैहले उपमुख्यमंत्री होरें जम्मू च बना'रदे नमें विधासभा परिसर दा दौरा लाया। पी.डब्ल्यू.डी दे चीफ इंजीनियर ई-राजेश कुमार अगस्तम होरें उनेंगी परिसर च मौजूद स्थूलतें बारे जानकारी दिती- जिंदे च हेठले बेसमेंट च पार्किंग ते होर जरूरी सेवां शामिल न। मुख्य असैम्बली हाल च हेठली मंजिल पर 130 लोकें दे बौहने दी बवस्था दे कन्नो-कन्नी स्पीकर ते सचिवालय दे दफ्तर बी हैं। इयां गै पैहली मंजिल पर प्रैस ते विजिटर्स गैलरी- कमेटी रूम ते सरबन्धत दफ्तर शामिल न।

<><><><><><>

CBSE Class 10 New Rules

केन्द्री माध्यमिक शिक्षा बोर्ड सी.बी.एस.इ नै इस बरे थमां लागू 10मीं दे बोर्ड मतेहानें सरबन्धि योजना तैहत नियमें पर अधिकारिक पुष्टि जारी कीती। बोर्ड नै साफ कीता ऐ कि पैहला बोर्ड मतेहान हर विद्यार्थी गी लाजमी तौरा पर देना होग ते जेकर कोई विद्यार्थी पैहले मतेहान दे 3 जा ओहदे कोला मते पेपर नैई दिंदा- तां ओ दुए मतेहान च बौहने लेई योग्य नैई होग। बोर्ड नै साफ कीता ऐ जे कि दुई बारी

आहला मतेहान छड़ा उन्हें विद्यार्थियों लेई होग- जेहड़े पैहला पेपर पास करी लैंदे न ते उनेंगी लगदा ऐ जे इक बारी होर पेपर देइयै ओ बेहतर अंक हासल करी सकदे न- ओ एह मतेहान देई सकगंन। इस बारे नियमें दी तफसील विद्यार्थी सी.बी.एस.इ दी वेबसाईट पर बी दिक्खी सकदे न।



Rafting Championship

6मीं राष्ट्रीय Rafting प्रतियोगिता डोडा द Shibnote थाहर 19 फरवरी थमां 22 फरवरी तगर आयोजित कीती जा'रदी ऐ। एदा सरिस्ता जम्मू-कश्मीर सैलसफा मैहकमे ते जिला प्रशासन डोडा द सहयोग कन्ने कीता जा'रदा ऐ। इस प्रतियोगिता च केई सारियां टीमा हिस्सा लैगंन। एदा मकसद जम्मू-कश्मीर दी सहासिक सैलसफा समर्थ गी दर्शाना ते खिते दी पानी आहली खेइडें च समर्थ गी उजागर करना ऐ। प्रशासन आस्सेया 4 रोजा इस राष्ट्रीय कार्यक्रम लेई लोइचदे सुरक्षा सनें होर दुए सारे बंदोबस्त कीते गेदे न।



Weather

मौसम विभाग नै जम्मू-कश्मीर च मौसम 26 फरवरी तगर आतौर पर खुश्क रौहने दी पेशनगोई कीती ऐ। आम तौर पर मौसम केन्द्र शासित प्रदेश च साफ गै रौहग- उयां किश उच्चियें धारें पर हलकी बर्फबारी होई सकदी ऐ। कल्लै लेई किश उच्चियें धारें पर हलकी बर्फबारी दी चेतावनी दिती गेदी ऐ मुकामी लोकें ते यात्रियें गी आखेया गया ऐ जे ओह कुसै सफर पर जाने कोला पैहले मौसम बारे ताजा जानकारी रक्खन।



Read by : Jagmohan Sharma

Composed : Rajni Devi

Skilled : Rajat Paul

Editor : Abhilasha Sharma